

四庫全書

子部

欽定四庫全書

山堂肆考卷二百二十四

明 彭大翼 撰

鱗蟲

魚

魚鱗物之總名種族甚繁大者為鯨鯢小者為鱖鱓
其他如鱖鱣鯉鯽魴鱠鮠鮓鱒鱗鱖鱗鱓鱗鱓鱓
鱓鱓如本草所具者豈容一二指哉爾雅魚枕謂之
丁魚腸謂之乙魚尾謂之丙又曰鯢魚子鱖小魚郭

注凡魚之子總名鯢江東呼魚子未成者為鯢或曰未成魚者為鮪埤雅守魚以鼈養魚以鱮

躩刺

魚跳躍貌曰躩刺

噉喁

魚在水羣然出口曰噉喁

矜鱗

矜竦也魚冷則竦其鱗

傳沫

魚傳沫言相濡以沫而生子也出莊子

負冰

大雪至魚負冰謂近冰也

浮水

荀子曰儵鮓者浮陽之魚也胠于沙而思水則無逮矣
謂此魚好浮于水上就陽也注云胠去也

海鯨

崔豹古今注鯨魚海魚也大者長數千里小者數千尺
鼓浪成雷噴沫成雨水族皆驚畏逃匿莫敢當其雌曰
鯢大者亦長千里眼睛為明月珠木玄虛海賦魚則橫
海之鯨突兀孤遊巨鱗刺雲洪鬚插天

海鯨

夷堅志海鯨魚即海上最偉者也每歲廣州發船過
南番貿易路經海心深濶處忽見十餘山乍出乍沒乃
海鯨魚背也目如閃電鬚鬣若簸朱旗日中忽雨霖霖

乃鯀魚噴氣水散于空風勢吹來若雨耳又韻會海鮓似鯀而長數十里穴居海底入穴則海隘為潮出穴則潮歸為汐出入有節潮水有期

伊水宜魴

埤雅魴一名魴即今之青魴郊居賦赤鯉青魴細鱗縮項闊腹魚之美者蓋弱魚也其廣方其厚褊故一曰魴魚一曰褊魚又里語洛鯉伊魴貴于牛羊言洛以渾深宜鯉伊以清淺宜魴也又曰居就糧梁水魴蓋今遼東

梁水之魴特肥而厚

澆水多鱖

山海經英韞之山澆水出焉北注于陵陽之澤中多髯
鱖魚蛇首六足其目如珠馬耳食之使人不昧佩之禦
凶

丙穴嘉魚

埤雅嘉魚鯉鱖鱒鱗肌肉甚美食乳泉出于丙穴丙穴
在漢中沔陽縣北有乳穴二常以三月取之穴口向丙

故曰丙也又按一統志在夔州府達縣東北通明發縣井峽中凡十穴皆出嘉魚春社前魚出穴秋社即歸其出也止于巴渠龍脊灘首有黑點謂照映星象相感而成長身細鱗肉白如玉味鹹而美蓋食鹽泉也杜詩魚知丙穴由來美即此

應廟子魚

王得臣塵史閩中鮮食最珍者惟子魚莆陽迎僊鎮有通應侯廟廟前水曰通應溪潮汐上下鹹淡水不相入

此處魚最美俗呼通應為通印者誤也

烏賊

南越志烏賊魚常自浮水上烏見以為死便往啄之乃
卷取烏故曰烏賊一作烏鰂埤雅烏鰂人足絕短者集
足在口縮喙在腹懷板含墨每遇大魚輒噉墨周其波
以衛身害若小蝦魚過前即吐墨惹之江東人取其墨
書契以給人財物書迹如淡墨逾年自消唯空紙耳此
魚有矴遇風則蚪前一鬚下矴一名纜魚盖風波稍急

即以其鬚黏石為纜每遇漁舟即吐墨染水以混其身
漁人見水黑知為此魚由是網之則大獲東坡有烏賊
魚說古今注鼈為河伯從事烏賊為河伯小吏

青郎

青郎魚形類海鯽而大爾雅所謂當魴是也一名榔磚
硬鱗剛骨齒如鐵鋸嚼螺蛤成粉味極佳海濱人取蚶
苗養于塘濼之間謂之蚶田惟忌青郎隨潮入田吞嚼
殆盡

鱸魚膾

寧波志鱸魚巨口細鱗身有黑點作鮓最良隋唐嘉話
吳郡獻松江鱸膾煬帝曰此所謂金齏玉膾東南之佳
味也又有四鰓者皮脆而肉厚名脆鱸有江鱸差小而
兩腮味淡有塘鱸形雖巨而不脆

鰈魚額

鰈魚板身長五六寸味極肥腴雜俎寧棄累世宅不去
鰈魚額

象浦馬頭

雜俎象浦有馬頭魚黑色長五丈餘頭如馬伺人入水則食之

周陵羊頭

雜俎周陵溪有魚其頭似羊豐肉少骨味殊美

犁頭

鯊魚中有犁頭鯊頭似犁鑿而長尖銳刺人有香鯊體有香氣有熨斗鯊頭如熨斗有了髻鯊頭如了髻有劔

鯊長背如劍對排牙棘人不敢近又邛河有魚長十餘丈頭甚大遙視之如戴鐵釜因名釜頭魚

針口

針口魚口似針頭有紅點腹兩旁自頭至尾有白路如銀色身細尾岐長三四寸二月間出海中

骨如箭鏃

鱒魚一名箭魚腹下細骨如箭鏃其味美在皮鱗之交故食不去鱗而出富陽者尤美此東坡有鱒魚多骨之

恨也

牙如鋸齒

嶺表錄異潮州惡溪有鱷魚其大如船其形如鼉喙長
半身牙如鋸齒尾有三鈎極利秀水閒居錄鱷魚之狀
龍响虎爪蟹目鼉鱗尾長數尺大如箕芒刺成鈎仍有
膠黏多于水中潛伏候人畜相近以尾鈎取蓋猶象之
任鼻也永州記一生百卵及成形則有為龜為蛇為蛟
者韓愈貶潮州為文祭之鱷徙西海去六十里宋陳文

惠公亦有戮鱷魚文

足有釘

章舉一名章魚一名章拒一名章鋸以其足似鋸也形類烏賊而小又按物產志形如算袋八足無骨大者長二三尺足上戢戢有釘每釘有竅每仰臥途上見烏啄以八足黏捲之

腸成槩

雜俎東海漁人言近獲魚長五六尺腸胃成胡鹿刀槩

之狀號秦皇魚

身圓如筋

爾雅銀魚身圓如筋潔白無鱗目兩點黑寧波志形如
麵條而純白色或云一名白小唐詩白小羣分命天然
二寸魚

腹墜如囊

寇宗奭曰鮓魚形少類鮎有四足腹重墜如囊身微紫
色嘗剖之中有三小蟹又有四五小石塊

體如金

金魚體如金一名火魚有通身赤者有半身赤者有亂赤文者有背赤文作卦形者有頭赤尾白者有鱗紅身白者色象各各不同碧雞山下洞內有金線魚中都有玳瑁魚雪質而黑章的磔若漆儼然玳瑁文采尤可觀也

額如印

雜俎印魚長一尺二寸額上四方如印有字諸大魚應

死者先以印封之

目似牛

博物志牛魚目似牛形如犢子剥皮懸之潮水至則毛
起去則毛伏南越志牛魚方圓三丈眼大如斗口在脅
中露齒無唇

角如鹿

異物志鹿頭魚頭上有兩角如鹿梅聖俞有鹿角魚詩
海中魚角鱷鱷不擬龍乃擬鹿

音如羊

山海經吳山愚水出焉中多蚌魚狀如龜而魚尾二足其音如羊

聲如狗

魚有名狗鯨者狗頭魚身聲如狗吠形類彈塗而大者長丈餘好伏泥塗中而吠見人則驚入水

尾如鞭鞘

鮐魚似馬交尾有兩岐如鞭鞘故名

形似琵琶

寧波志華臍魚一名老婆魚一名綬魚又有形如科斗而大者如盤一名琵琶魚吳都賦注云魚無鱗而形似琵琶冬初始出至春則味降矣

額旁有骨

圖經鮑魚形類鱖魚生溪中極臭額旁有骨名乙長尺許

臍下有帶

梧州有大荒山山上泥中有婢妾魚兩翼及臍下有三條如練帶長四尺許搖動有光

鼻有角

拾遺記環州之旁有淵洞其廣千里有魚長十丈鱗色爛斑鼻有角時鼓舞羣遊或有人遠望者見水中五色雲起就之乃此魚噴水成雲也

身有涎

爾雅注鮎別名鯢江東呼為鯢有鬚無鱗身上有涎難

握本草云鮎魚大者名鱖能吞蛇

首有石

物產志石首魚似鮠而小尾鬣皆黃色一名黃魚魚首有魷堅如石故名石首張勃吳錄婁縣有石首魚至秋化為冠鳧或曰一名洋山魚蓋洋山魚所出處也魚能鳴網師以長竹筒挿水中以聽之聞其鳴則下網每獲至千餘以鹽醃之曝乾名曰白鮫浙人呼為養魚

皮有珠

埤雅鮫似鼈而無足背文粗錯皮間有珠可以飾刀其子驚則入母腹山海經謂之文魼魚形如覆鉢烏首而魚尾音如磬生珠玉或曰鮫魚一名錦鯢爾雅鮫一名錯魚最健猛人呼為河伯健兒

環游

小說黃山谷詩屢用魚千里事蓋出關尹子以盆為沼以石為鴈魚環游之不知其幾千萬里也山谷詩云尋師學道魚千里蓋世功名黍一炊又小池已築魚千里

隙地仍栽芋一區又爭名朝市魚千里觀道詩書豹一斑

片立

臨海水土記板魚片立合體俱行板魚比目魚也雜俎王者德及幽隱則比目魚至埤雅比目魚狀若牛脾細鱗紫黑色兩片相合乃得遊行不合則止俗呼為鞋底魚又江東呼為王餘左思賦雙則比目片則王餘按吳王食膾有餘棄水中化為魚因名王餘魚一說越王勾

踐方斫魚為膾聞吳兵至棄其餘于江化而為魚名膾
殘亦曰王餘

好旅行

鯽魚一名鮒熊氏謂之逆鱗陸氏曰此魚好旅行吹沫
如星以相即也故曰鯽以相附也故曰鮒孟說曰鯽是
稷米所化魚腹上猶有米色俗語曰冬鯽夏鱣蓋鯽至
冬而肥味甚美也本草鯽魚小而耐寒朱彥脩曰諸魚
皆屬火惟鯽魚屬土故能入陽明而有調胃實腸之功

諸魚無一息之停故動風生痰熱又鱖魚似魴而長弱
鱗白色北土呼為白鱖鱖者與也性亦好旅行相與之
義也徐州人謂之鱖失水便死青鱖曰鱖白鱖曰鱖

好獨行

孫炎正義鱖好獨行制字从尊殆以此也埤雅鱖似鱖
魚而鱗細于鱖赤眼

首戴星

埤雅鱧今玄鱧是也諸魚中惟此魚膽甘可食有舌鱗

細有花文一名文魚與蛇通氣其首戴星夜則北向蓋
北方之魚也本草鱧是公蠺蛇所化至難死雖斬頭身
尚能動猶有蛇性故或謂之鰐此魚胎生與諸魚卵生
者不同一產不下五百子皆隨母而行母輒啖食之十
不留五

目眩日

埤雅鮪魚似鱣而青黑長鼻體無鱗甲肉色白味不如
鱣大者長七八尺岫居至春始出而浮陽北入河西上

龍門入漆沮見日而目眩

跳躑海塗

寧波志彈塗一名闌胡形似小鯀而短大者長三五寸潮退千百為羣揚鬣跳躑海塗中作穴而居以其彈跳于塗故云

飛越江湖

學林龍能顯能隱不可制也故為在天之能變者鯉能神化飛越江湖故為在池之能變者養生雜纂鯉至陰

之物也其脊鱗三十六埤雅大抵得九六之數者皆有
變之理蓋龍陽物也故九九八十一鱗鯉陰物也故六
六三十六鱗筆談鯉脊中鱗一道每鱗上有小黑點文
大小三十六鱗汪機云是脇正中一道鱗耳雜俎唐號
鯉為赤鱗公以鯉與國同音故禁捕之

好穿田塍

鱮魚似鱮而長無鱗有涎黃色俗呼黃鱮生溝瀆淺水
中好穿穴田塍因以泄水為農夫患又鱮頭昂起寸許

者名昂頭鱠不可食鱠一作鰓一作鮠梁韋琳以鮠為
粽粢將軍又曰油蒸校尉又曰臚州刺史

不入網罟

物產志鰓魚性慧不入網罟海人以長網圍之俟潮退
取之此魚專游淺水中食泥頭扁口小身圓肉厚味絕
美凡海中魚多以大噬小唯鰓魚不食其類按鰓一作
鱣一作鮠

頭大于身

異物志石首小者名踏水即梅魚也似石首而小黃金
色味頗佳頭大于身人呼為梅大頭出四明梅山洋故
曰梅魚或云梅熟魚來故名

尾長于身

鯢魚一作魴魚亦胎生其子出入母腹形如覆笠有肉
翅能刺人一名鱉魚形圓似扇無鱗色紫黑口在腹下
尾長于身尾端有刺子皆胎生隨母而行一遇驚濤開
入子腹有虎鯢劍鯢狗鯢牛鯢鹿鯢錦鯢白脊鯢敵勃

鯰燕尾鯰鋸齒鯰種類不一

半面

俗傳越王食魚未盡以半棄于江化為半面魚

旁皮

汪機云旁皮魚一名婢妾鯽似鯽而小黑色而腸赤其
行以三為率一頭在前兩頭在後若騰妾之狀故以為
名此魚生溪河中長一二寸多腸少肉

身薄骨細

助魚似鮒魚而小身薄骨細冬天出者名雪映魚味佳
至夏則味減矣以巨艘入海捕之率以夏至前後為期
鼻長骨軟

埤雅鱣魚似鰻口在頷下無鱗長鼻軟骨俗謂玉版大
者長二三丈江東呼為黃魚以其肉色黃也羅氏曰鱣
魚大如五斗奩長一丈純灰色無文

膚黑

馬交魚形似鱸其膚黑色無鱗有斑逢春社而生一名

社交魚生南海中銳觜燕尾近尾處有一細坳鮮者味美經宿則腐矣

背青

圖經青魚生江湖間似鮠而背青南人多以作鮓青字古作鯖所謂五侯鯖是也頭中有枕蒸令氣通曝乾狀如琥珀可以作器皿膽可點目

化鵬

見鵬

變虎

虎頭魚尾巨口長身能化虎入島嶼食人名曰鯨虎又名魚虎本草魚虎有毒背上刺着人如蛇咬皮如蝟有刺頭如虎生南海亦有變為虎者

鼻在額上

爾雅鰐是鯪注云鰐鰩屬也體似鱣尾如鮪魚大腹喙小銳而長齒羅生上下相銜鼻在額上能作聲少肉多膏胎生健啖細魚大者長丈餘埤雅鰐魚亦有懷珠者

鱗在翼端

山海經鰓魚狀如鵲而有十翼鱗在翼端聲亦如鵲爾雅鰓今泥鰓也埤雅鰓似鰓而短無鱗以延自染難握與魚為牝牡一名鰓孫炎爾雅正義鰓尋也尋習其泥厭清水

巨口細鱗

郭氏爾雅注鰓小魚也似鮒而黑俗呼魚婢江東呼為妾魚羅氏曰鰓魚巨口細鱗鬚鬣皆圓黃質黑章皮厚

而肉紫斑文鮮明者雄昧者雌盛熱時好藏石隙中漁者貫一雄者置溪旁群雌來嚙曳之因而可得又能食小魚

長尾匾身

說文鯮魚飲而不食刀魚也形似小尖刀或云鯮一作鱗本草鱗魚有鱗長尾匾身

昌侯

鯮魚一名昌侯魚縮項扁身似魴而短鱗細色白生海

中以其與諸魚匹如娼然故名

杜父

杜父魚一名吐哺魚似吹沙而大黑皮細鱗如粟無鬣俗呼主簿魚蓋杜父訛為主簿也

漫鱧

埤雅鰻無鱗甲白腹似鱸而大青色焚其烟氣辟蠹有雄無雌以影漫鱧而生子趙辟公雜說有鰻鱧者以影漫于鱧魚則其子皆附鱧之鬚鬣而生故謂之鰻鱧也

一曰鮎亦產鰻蓋其乳子三分之二為鮎其一鰻也

交蛇

雜俎僧行儒言建州有石斑魚好與蛇交遯齋閒覽南方溪澗中有魚生石上號石斑魚作鮓甚美至春有毒不可食以其與蜥蜴交也

吹沙

爾雅釋魚云鮎鮎今吹沙小魚常張口吹沙也鮎性善沈大如指狹圓而長有墨點文常行沙中亦于沙中乳

子

貯水

鰾魚大盈丈腹中有兩洞貯水以養其子兩洞容四子子朝出食暮入宿出從口入從臍

緣木

雅州榮經水及西山漢谷中出鮪魚似魷有足能緣木聲如兒啼

腦上有孔

江豚俗呼拜江猪狀似狔鼻中有聲腦上有孔噴水直上出入波浪中見則有風無鱗黑色多脂膏以其腦中有井故又名井魚人取江豚子繫着水中母自來就而取之其子如鱧魚子數萬為羣隨母而行

腮邊有刺

魚有名黃頰者背皮及兩腮間皆有刺

吞舟

莊子曰吞舟之魚蕩而失水則螻蟻能制之

怒柱

蘇東坡河豚說河之魚有豚其名者游于橋間而觸其柱不知違去怒其柱之欄已也則張頰植鬣怒腹而浮于水久之莫動飛鳶過而攫之磔其腹而食之好游而不知止因游而觸物不知罪已妄肆其忿至于磔腹而死可悲也夫按河豚如鯰魚口尖一名脆魚無頰無鱗與目口能開闔及作聲者有毒其色黑有芒刺此物多怒觸之則怒氣滿腹翻水上漁人以物撩之遂為所獲

此魚須暮春柳花飛時始肥吳人珍之目其腹腴為西
施乳又東坡嘗與經筵官會食資善堂盛稱河豚之美
呂原明問其味曰直那一死又一種色淡黑有文點謂
之斑子者不可食梅聖俞河豚詩忿腹若封豕怒目猶
吳蛙曾子固詩食肉遺馬肝未為不知味食魚必河豚
此理果何謂非鱗亦非介芒刺皮如蝟見形固可憎况
復論腸胃

觸綸

左思賦文鯨夜飛而觸綸陳藏器曰文鯨魚出海中大者長尺餘有翅與尾齊一名能飛一名飛魚羣飛水上海人候之當有大風

黃頰

埤雅鱠一名黃鱠性浮而善飛躍陸機曰一名黃頰魚燕頭魚身頰短骨黃魚之有力解飛者一名黃揚

黑頭

嘉定州出黑頭魚形似鱒長者及尺惟郭璞臺前有之

又瓊州府文昌縣西有魚爺井水極清冽相傳泉與海通中有一大魚頭白俗名魚爺人呼之即此

專諸寘劍

史記世家吳公子光享王僚專諸寘劍于魚腹中以進遂抽劍刺王僚

陳勝置書

陳勝舉大事欲威兵士乃以丹帛書陳勝王字置魚腹中令賣之買者烹之得書大驚

鵝嘴

鰾一作鰾似鱸而大江湖皆有之鼻長如鵝嘴故又名鵝嘴魚無鱗有青黑斑文作鮓甚美口在頷下一名鰾魚

龍頭

山海經龍鯉陵居其狀如鯉一名龍魚以其能飛一名飛魚頭似龍魚身一角

目不瞑

詩齊風其魚魴鰈鰈大魚也或曰魚目不瞑曰鰈

足能行

常州頤山有潛虬泉中有異魚四足能行率四歲一出
出必有災

觀魚游樂

見水

養魚作島

齊威王聘陶朱問曰公所至家累億金何術乎公曰治

生之法有五水畜第一所謂水畜者魚以六畝地為池
池中有九洲即求懷子鯉魚長三尺者二十頭牡鯉四
頭以二月上旬納池中令無聲魚必生凡魚遠行必肥
池中養魚慮其瘦故于池中聚石作九島魚繞之日行
千里

腹有兩乳

雜俎有奔鯨者非魚非蛟長二三丈色如鮎有兩乳在
腹下相傳懶婦所化

身有五色

宋史錢塘江有五色魚鯽首鯉身

冬死夏生

山海經南山又東三百里有魚狀如牛陸居蛇尾脇下有羽翼其音如留牛名曰鱈魚冬死夏生食之無腫疾
難進易退

韻語陽秋臨安六和寺有金鯽池蘇子美詩松橋待金鯽竟日獨遲留蓋其出有時也自子美後四十年東坡

始游茲寺嘗投餌以待乃畧出不食復入東坡謂此魚
難進易退而不妄食宜其壽四十年如此



山堂肆考卷二百二十四

欽定四庫全書

子部

山堂肆考卷二百二十五
六

詳校官中書臣 閔思毅

主事臣 祁韻士覆勘

總校官降調編修臣 倉聖脈

校對官中書臣 孫球

謄錄監生臣 郭履元

欽定四庫全書

山堂肆考卷二百二十五

明 彭大翼 撰

甲蟲

龜

周易定天下之吉凶成天下之亹亹者莫大乎蓍龜
周官龜人掌六龜之屬各有名物天龜曰靈屬地龜
曰繹屬東龜曰果屬西龜曰靈屬南龜曰獵屬北龜
曰若屬各以其方色與其體辨之凡取龜用秋時攻

龜用春時各以其物入于龜室三禮圖灼之之法上
春灼後左夏灼前左秋灼前右冬灼後右埤雅龜舊
也外骨內肉腸屬于首廣肩無雄與蛇交匹故龜與
蛇合謂之玄武大戴禮甲蟲三百六十而神龜為之
長爾雅龜俯者靈仰者謝前弁諸果後弁諸獵左倪
不類右倪不若

淮夷獻龜

魯頌憬彼淮夷來獻其琛元龜象齒大路南金注云元

龜尺二寸

九江納龜

夏書九江納錫大龜

赤文朱字

尚書中候堯沈璧于洛玄龜負書出背上有赤文朱字
述異記堯時越裳獻千歲龜背有科斗文記開闢以來
事帝錄之號龜歷史記禹治水時神龜負書出于洛其
數皆九禹因作九疇

青純蒼光

中候周公攝政七年制禮作樂成王觀于洛沈璧禮畢
王退有玄龜青純蒼光背甲刻書上躋于壇赤文朱字
周公寫之按公羊傳龜青純純緣也

法天法地

禮統神龜之象上圓法天下方法地背上有盤法丘山
玄文交錯以成列宿

象日象月

抱朴子曰靈龜五色色似玉背陰面陽上隆象天下平
法地運轉應四時蛇頭龍頸左晴象日右晴象月知吉
凶存亡之變又千歲之龜能與人言柳隆龜經龜生百
歲故生鵠尾之上又龜有五色依時用之青龜之屬春
宜用之西坐東向赤龜之屬冬宜用之北坐南向

四兆

周禮春官卜師掌開龜之四兆一曰方兆二曰功兆三
曰義兆四曰弓兆凡卜事祇高揚火以作龜致其墨凡

卜辨龜之上下左右陰陽以授命龜者而詔相之按上仰也下俯也左左倪也右右倪也陰後弇也陽前弇也

十朋

易曰或益之十朋之龜注云龜者決疑之物獲益而得十朋之龜則盡天人之助也

巢蓮

史記褚先生江南有嘉林獸無虎狼鳥無鷓鴣草無毒螫野火不至斧斤不入龜生其中巢于芳蓮之上又云

千歲之龜巢于蓮葉之上博物志龜三千歲旋于卷耳之上

升木

拾遺記崑崙上第五層有神龜長一尺九寸有四翼萬歲一升木而居亦能言也

守著

史記上有擣著下有神龜著生滿百莖者其下必有神龜守之上有青雲覆之按擣古稠字

望卵

陸佃曰龜鼈皆隔津望卵故語曰龜思鼈望

支牀

史記南方老人用龜支牀足後二十年老人死移牀龜
尚生

懸室

史記取龜置室西北隅懸之入深林中不惑

三足

爾雅龜三足賁山海經大若山狂水出焉注于伊水中
多三足龜賁其別名也

十尾

六帖龜百歲一尾千歲十尾二百歲為一總龜千歲曰
五總龜蓋龜至千或五聚問無不知故云

六眼

福建興化洋山下池中出六眼龜文獻通考唐大定初
處州獲六眼龜一夕而失爾雅註疏陽羨君山上有池

宋太平興國及政和間俱獲六眼龜

二首

宋徽宗時都水使者趙霆得兩首龜于黃河獻以為瑞
蔡京曰此齊小白所謂象罔見之而霸者也鄭居中言
首豈有二人皆駭異而京獨主之殆不可測帝命棄龜
于金明池

銜璋

燕相子之過魯津有赤龜銜璋以獻或云此即爾雅所

謂火龜是也生于火中而不畏火猶火鼠之類

照鏡

北夢瑣言南人採龜溺以其性妬而與蛇交或雌龜至有相齧鬪噬力小致斃者採時取雄龜置瓷盆及小盤中于龜前以鏡照之既見鏡中龜即淫發而失溺以入藥治龔尤妙

神交

化書牝牡之道龜龜相顧神交也鶴鶴相唳氣交也

天產

白虎通著龜者天地之間壽考物也故問之龜象也天產也著數也地產也

剗腸

見漁人

曳尾

見隱士

玄衣督郵

古今注龜名玄衣督郵抱朴子曰山中巳日稱時君者
龜也

緇衣大夫

孫惠龜賦有緇衣之大夫兮衣玄繡之衣裳乘輕車之
岌岌兮駕雲霧而翱翔

陸行

焦贛易林龜厭江海陸行不止自令枯槁失其都市

坎居

李顥龜賦質應離象位定坎居賤彼朶顥費我靈符浮
洛川見緯書洞幽秘通玄虛

化石

南部新書武德末文皇欲平內難苑池內得一白龜化
為石故登極後降制曰皇天眷祐錫以寶龜

吹水

唐歸登尚書每浴皆屏左右自浴于盆中坐移時或有
窺之者見一巨龜吹水也

毛寶放龜

晉咸康中豫州刺史毛寶戍邾城見漁人釣得一白龜
贖置瓮中養之漸大放于江寶後為將戍邾城遭石季
龍攻陷邾城寶遂赴江足下如踏着物漸浮至岸視之
乃昔所放龜也龜至中流猶反顧寶

黃赭騎龜

續搜神記鄱陽人黃赭入山採荆楊遂迷路數日忽見
一大龜赭便呪之曰汝是靈物而吾迷不知道今騎汝

背頭向處便是路龜即回右轉赭從行十餘里便得溪水即估客行舟處也又黃安嘗服硃砂舉體皆赤坐一大神龜言伏羲始造網罟以此龜授我此蟲畏日月之光二千歲一出頭我坐此龜五過出頭矣行則負龜而移世人謂黃安萬歲

食竹萌

本草秦龜不入水爾雅所謂山龜是也大者如碑硃食草根竹萌冬月藏土中至春出游山谷其甲如蟻龜堪

飾器物帶其前臍骨入山不迷

煮桑樹

劉敬叔異苑吳時有人入山見一大龜即擔之以歸欲上吳王夜宿越里纜船于桑樹下夜中樹忽呼龜曰元緒何得在此龜曰我被拘繫方欲見烹雖然盡南山之樵不能潰我樹曰諸葛元遜博識必致相苦令求如我之徒龜曰子明無多詞禍將及汝樹寂而止既至吳主命煮之焚柴萬車語猶如故諸葛恪曰燃以老桑乃熟

王命伐桑樹煮之立爛至今烹龜猶用桑樹野人故呼
龜為元緒云又張續宣室志張鋌見巴西侯飲酒命樂
夜將半鋌亦假寐久之有告者曰洞玄先生在門言訖
有一人被黑衣頭長而身甚廣揖之與坐曰天將曉鋌
悖悟見身卧在石龕中一龜形甚巨乃向所見洞玄先
生也

塚中俛仰

抱朴子曰却儉行獵墜空塚中見大龜張口吞氣或俛

或仰乃試隨龜所為遂不復饑

瓶中旋轉

劉崇遠金華子徐太尉彥若赴廣南渡小海于淺水中得一琉璃瓶中有龜及寸旋轉不停而瓶口極細不知何自而入置之舟中夜半覺舟偏重視之則羣龜層疊遶其瓶懼而棄之後問船主曰此龜寶也

張儀築城

華陽國志秦惠王十三年張儀與司馬錯破蜀儀因築

城屢築屢頽後有一大龜從研井而出周旋行走因依
龜所行築之乃成孔帖李德裕鎮西川龜殼猶在後為
高崇文截作腰帶胯

法和掘地

三國典畧梁陸法和至襄陽城北大樹下畫地方二尺
令弟子掘之得一龜長五寸以杖叩之曰汝欲出此已
數百年若不遇我豈見天日乎為授三歸龜乃入草去

生巖

鶚龜一名瘡龜本草生高山巖下身扁頭大嘴如鶚鳥故名鶚龜能治老瘡又名瘡龜

產井

蘄州志本州西河井產綠毛龜大者重十錢小者重五錢甲上有綠毛茸生水則斂入水則披拂如海苔然

鼈

埤雅天地之性細腰純雄大腰純雌大腰龜鼈之屬世云鼈之所在其上必有浮沫謂之鼈津捕者以此

占之古今注鼈為河伯從事養生雜纂六甲曰弗食
鼈鼈有四目者獨目者白目者赤足者三足者腹下
有小字王字天字者領下有軟骨如龜形者頭足不
能縮者目凹陷者皆不可食又云鼈不可與雞子肉
莧菜同食

穹脊連脇

埤雅鼈以眼聽穹脊連脇甲蟲也水居陸生

延首頓足

晉潘尼鼈賦序皇太子游于玄圃遂命釣魚有得鼈而
戲之者命臣賦之云方銜釣以振掉吁駭人而可惡既
顛墜于巖岸乃盤珊而跬步或延首而鶴頭或頓足而
鷹距或曳尾于泥中或縮頸于殼裏

守魚

養魚經魚滿三百六十則龍為之長而引飛出水內有
鼈則魚不復去故鼈一名神守本草會編南人魚池中
多畜鼈令魚不隨霧起又鼈無耳

應龜

易林龜鳴岐野鼈應于泉韋氏燕山錄煮羊以鼈煮鼈以蚊

思化

雜俎甲蟲影伏羽蟲體伏垺雅鼈伏于淵而卵剖于陵此思化也又內典鶴影生鼈思生

卵生

羅氏曰鼈卵生形圓而脊穹四周有裙易離為鼈為龜

為蟹以其骨在外而肉在內也

鼈伏隨曰

埤雅鼈伏隨日謂隨日光所轉朝首東向夕首西向也

鼈肉補陰

荀子曰跬步不休跛鼈千里言鼈行蹢躅而又跛焉今
卒致千里則亦不輟焉耳三元參贊鼈居水底性甚冷
肉能補陰又能補氣

三足

爾雅龜三足賁鼈三足能郭注吳興陽羨山上有池出
三足鼈六眼龜山海經從山多三足鼈大若山多三足
龜皆岐尾

九肋

見登第

文伯羞鼈

魯語公父文伯飲南宮敬叔酒以露睹父為客羞鼈焉
小睹父怒遂出文伯之母聞之怒曰吾聞之先生曰祭

養尸享養上賓鼈于何有而使夫人怒也遂逐之五日
魯大夫辭而復之注云睹父亦魯大夫客上客也禮飲
尊一人為客

崔悅放鼈

王仁裕玉堂閒話崔悅尚書家方會客夜夢十九人着
青綠羅衣拜告求生既寤見瓮中有水泛鼈正十九頭
遂詣水次放之又括異志宋傅慶中家得一大鼈其婢
不忍殺放之溝中年餘後婢有病將卒夜有大鼈被泥

登婢曾冰之遂愈

高郢卜事

雲仙湘潭記高郢夜課于豐亭忽有一鼈在案上視之
乃石也郢異其事取十題散置箱中祝令鼈銜之以卜
來事既而石鼈舉頭乃是沙州獨鳥賦其年果首選

弘度誠欺

隋崔弘度為太府卿誠僚吏毋得欺誑後食鼈問侍者
曰鼈美乎皆曰美弘度大罵曰庸奴敢誑我汝未食鼈

安知其美俱杖之自是無敢欺

鼈 附龜鼈

格物論鼈海中物其形龜屬其肉具十二生肖肉五色而白多腸屬于頭至難死剔其肉盡頭猶咬物老者能化為魅卵大如雞鴨子正圓一產一二百枚煮之其白不凝膏塗鐵摩之即明鼈大鼈也鼈以為雄故鼈鳴而鼈應淮南子曰燒鼈致鼈草木疏鼈形似蜥蜴四足長丈餘小者六七尺首尾皆有鱗甲皮堅

厚宜冒鼓續博物志鼉長一丈一名土龍鱗甲黑色能橫飛不能上騰其聲如鼓

戴山

列子曰渤海之東有壑焉其中有五山無所連着常隨波上下往還不得暫時焉仙聖毒之訴于上帝上帝恐流于西極失聖臣之居使巨鼇十五舉首而戴之迭為三番六萬歲一交五山始峙而不動玄中記巨鼇以背負山周迴千里

戲海

列僊傳有巨靈之鼇背負蓬萊之山而抃舞戲滄海之中符子曰東海鼇冠蓬萊游滄溟騰躍而上沈沒而下蛭蟻聞而悅之相要海畔觀鼇羣蟻曰彼冠山何異我戴粒逍遙于封壤之顛伏乎窟穴也

女媧斷足

女媧氏之世天地未定海中有鼇甚力能負蓬萊五嶽等山在海中游戲不止女媧乃斷其足以立四極于是

地維始固

龍伯灼骨

列子曰龍伯之國有大人舉足不盈數十步而暨五山之所一釣而連六鼈負而歸國灼其骨以數焉

為梁

已下鼈

紀年周穆王十七年起師至九江叱鼈鼈為梁拾遺記
曰禹濟巨海鼈鼈為梁

攻岸

龜極有力善攻岸人以鈎索鈎之龜吞鈎任其曳舟而走俟力盡乃得之

伏影

舊說龜亦思化其脂得火可以燃鐵一曰龜亦卵生而伏影

癩頭

龜頭有疣搭名曰癩頭

投河來謁

吉凶響應錄唐韋丹未第時于洛陽橋見漁者得一龜甚大丹心異之贖投于河後有元長史名濬之謁丹即此龜來致謝也

上山候望

孔帖近有漁人泊舟馬當山下月明風恬見一大龜出水直上山頂四望頃之江中湧出一彩舟內有十餘人飲酒張樂陳設甚盛獻酬久之上流有巨艦東下櫓聲振于坐中彩舟乃沒前龜亦下未及水忽死于岸側意

者水神使此鼃為望候不知艦來致沒彩舟故殛之

識雨

已下鼃

埤雅狔將風則踴鼃欲雨則鳴故里俗以狔識風鼃識
雨

應更

晉安海物記鼃宵鳴如桴鼓今江淮間謂鼃鳴謂鼃鼓
亦或謂之鼃更則以其聲逢逢然如鼓而又善夜鳴其
數應更故也蓋如初更輒一鳴而止二即再鳴故云應

更

鱗甲能飛

續博物志鼃長一丈一名土龍鱗甲黑色能橫飛不能
上騰其聲如鼓

目睛常閉

埤雅鼃性嗜睡目睛常閉能吐霧致雨力亦酋健善頽
坎岸

龍形

埤雅鼉象龍形一名鱓

蛇肉

埤雅鼉具十二少肉蛇肉最後在尾其枕瑩淨魚枕弗如皮中冒鼓

蟹

埤雅蟹八跪而二螯殼堅而脆團臍者牝尖者牡也外骨內肉旁行故曰旁蟹廣雅雄曰螗蝤雌曰博帶或云蟹月黑則肥月明則瘦文登呂亢多識草木魚

蟲守官台州臨海命工作蟹圖十二種一曰螭蚌二
曰撥掉子三曰擁劍四曰螭蝟五曰竭扑六曰沙狗
七曰望潮八曰倚望九曰石烟十曰蜂江十一曰蘆
虎十二曰螭蜚歸田錄淮南人藏鹽酒蟹凡一器以
皂筴半挺置其中則可藏之經歲不沙

離象

易之離象為鼈為蟹為蠃為蚌為龜注云以其剛在外
也

乾屬

陸龜蒙曰蟹水族之微者其為蟲也有籍見于禮記載于國語揚雄太玄詞晉春秋勸學等篇考于易象為介類與龜鼈剛在外者皆乾之屬也唯左氏紀其為災子雲譏其為躁

應月

羅氏曰蟹腹中虛實應月之盛衰其性甚寒白樂天詩
亥日饒蝦蟹

畏雷

俗云蟹無腸故畏雷杜牧詩未游滄海早知名有骨還
從肉上生莫道無心畏雷電海龍王處也橫行梅聖俞
詩定知有口能噓沫休信無心便畏雷幸與陸機還往
熟每分吳味不嫌猜

殼似匡

禮檀弓蠶則績而蟹有匡注云蟹背殼似匡也

鉗如鉞

埤雅蟹首二鉗如鉞

心躁

荀子曰蟹六跪而二螯非蛇蟪之穴無所寄託者用心躁也

足多

揚雄太玄蟹之郭索後蚓黃泉范明叔注云雖有郭索多足之蟹不如無足蚓者以其用心之二也郭索者足多貌

無腸公子

抱朴子曰山中辰日稱無腸公子者蟹也

橫行介士

蟹譜吳俗有蝦荒蟹亂之說取其披堅執銳也故蟹或暴至則鄉人以為兵證又云出師下砦之際忽見蟹稱為橫行介士以安衆心湘山野錄僕射嚴續初以位高學寡為時所鄙江文蔚作蟹賦譏之曰外視多足中無寸腸口裏雌黃每失途而相煦曾中戈甲常聚衆以橫

行

退殼即長

埤雅蝻蚘大者長尺餘兩螯至強能與虎鬪虎不如也
隨潮退殼一退一長黃山谷詩怒目橫行與虎爭寒沙
奔火禍胎成按蝻蚘一名黃甲蟹之最巨者殼純青色
有兩尖橫出螯圓無毛兩螯八足後二足扁而俯

折足更生

造化權輿龍易骨蛇易皮麋鹿易角蟹易螯折其螯足

隨後更生

附明

蟹譜今之採捕者夜則燃火以照咸附明而至焉或云
醃蟹若以火照之則蟹膏成沙矣

通夢

彭蠡一名彭越舊傳漢醢彭越賜九江王布布不知而
食俄覺而哇出于江中化為蟹而去似彭蠡而小無毛
穴直易取搜神記言此物嘗通人夢自稱長卿

招潮

招潮一名望潮殼白色居則背穴向外潮欲來舉螯如望不失常期

耕畝

傅嘉祐曰螾蟻好耕穴田畝中往往因雨則瀕海之家列陣而上填砌緣屋雖驅拂之不去也按螾蟻色赤而小似彭越而有毛

致鼠

本草蟹性敗漆燒之致鼠注云黃甲螯燒烟可集鼠于庭淮南子曰漆見蟹而不乾

捕魚

呂亢曰海商言海中鼉鼈島之東有一島多鱗有虎頭者有翅能飛者有能捕魚者有殼大魚尺者

治氣

孟詵本草蟹雖消食治胃氣理經絡然腹中有毒中之急取大黃冬瓜紫蘓汁解之即瘥

辟瘡

筆談關中無蟹秦人家收得一乾蟹土人怖其形狀以
為怪物每人家有病瘡者則借去懸門戶往往遂瘡不
但人不識鬼亦不識也

引聲喫沫

蟹譜骨眼蝟腹蝟腦蟹足其爪類拳丁其螯類執鉞其
跪又皆外刺性復多躁或編諸繩縷或投諸笊箬則引
聲喫沫必死方已

入笑解顏

黃山谷謝何十三日送鱉詩形模雖入婦人笑風味可
解壯士顏寒蒲束縛十六輩已覺酒思生江山

蔡謨誤食

晉蔡謨字道明初渡江見蚺蜺大喜曰蟹有八足加以
二螯令烹之既食吐下委頓方知非蟹後詣謝尚而說
之尚曰卿讀爾雅不熟幾為勸學死埤雅所載又云謨
自嘆曰讀爾雅不熟幾為勸學所誤按勸學荀子篇名

篇中所云已見上心躁注

何胤侈食

南史何胤侈于食味前必方丈後稍欲去甚者猶食白魚鮓脯糟蟹陸龜蒙酬皮日休見寄海蠊詩自是揚雄知郭索且非何胤敢餽餽

趙王惡蟹

晉解系與趙王倫同討叛羌時倫信用佞人孫秀與系爭軍事更相表奏朝廷知系守正不撓乃召倫還系表

殺秀以謝氏羌不從後倫以宿憾收系兄弟梁王彤救
系等倫曰我于水中見蟹且惡之況此人兄弟輕我耶
遂害之

杜相嗜蟹

雜志杜相苦痰嗽性嗜蟹人或止之答云痰嗽發猶有
時螃蟹過却便沒又東坡嗜蟹後有見餉者皆放之江
中曰不以口腹苦生類也

輸芒

雜俎蟹八月腹有芒乃真稻芒也長寸許向東輸與海神未輸芒不可食或曰蟹之種類甚多而形狀迥異古今書記多混而無別如呂亢言蝻蚘有毛蔡謨言螿螿害命桀步擁劍一種也而又分之蝻蚘蝻螻蟻異類也而反合之如含芒輸海止稻蟹為然隨潮退殼止紫蟹為然今混稱妄注實為格物者之病按稻蟹食稻之蟹也國語越王曰稻蟹不遺種即此紫蟹一名子蟹殼似蝻蚘足亦有撥掉子但殼上有臘脂斑點不比蝻蚘之純

青色耳所謂隨潮退殼一退一長即此

執穗

陸龜蒙蟹志蟹始窟穴于沮洳中秋冬交必大出江東人云稻之登也必執一穗以朝其魁然後從其所之

擁劍

擁劍蟹之小者一螯大而長赤斑色一螯短而白色以大螯鬪以小螯取食

數九

雜俎有一種名數九狀似蟳蝸海上競取土作丸滿三百而潮已至矣故名數九舟人每以為候

夏統養親

晉夏統養親以孝聞或至海邊拾蟹蟻以資養

陶穀奉使

聖宋掇遺陶穀奉使吳越忠懿王宴之因食蝻蚱詢其族類忠懿命自蝻蚱至蟹蟻凡十餘種以進穀曰真所

謂一蟹不如一蟹

善苑國出

雜俎善苑出百足蟹長九尺四螯可煎膠謂之螯膠大勝鳳喙膠也

平原郡貢

雜俎平原郡貢糖蟹採于河間界每年生貢採時斲冰火照懸老犬肉于出蟹處蟹覺即浮因取之一枚直百金以擅蜜束于驛馬馳至京師

鰕

鰕多鬚善游好躍其字从假蓋以水母假之而動也
嶺表錄異海鏡蟹為腹水母鰕為目水母蛇也俗呼
為鰕蛇腹下有物如絮謂之足無腸胃口眼無鱗骨
常有數十鰕寄腹下食其涎遇舟則蛇沈蓋鰕有所
見耳郭璞曰蛇形如覆笠以鰕為目

擁楯

侯鯖錄鰕狀如蜈蚣而擁楯者名鰕公小而緊身無肉

者名鰕狗一種名鰕姑閩中又有巴鰕梅鰕蘆鰕之類

製杯

嶺表錄海鰕皮殼嫩紅色腦殼與前兩脚有鉗者色如朱土人多製為杯謂之鰕杯亦有以其鬚為簪杖者或云鰕多歲荒蟹多有寇又云鰕一名沙虹小者似鼠婦大者如螻蛄

蝗化

東觀漢記馬援為武陵太守郡中連歲有蝗後賑貧羸

薄稅歛蝗飛入海化為魚鰕

狫吞

王元之江狫詞江狫江狫爾何物吐浪噴波身突兀依
憑風水恣豕豪吞嚼魚鰕頗肥腩

封示鰕鬚

王隱晉書吳復置廣州以南陽滕修為刺史或語修鰕
長一丈修不信其人故至東海取鰕鬚長四五尺封以
示修修乃服

尋獻鰕鮓

見侍中

鰕

附車螯蛤蜊蚌蚶

埤雅鰕狀如便面骨眼眼在背上口在腹下其血碧
雌常負雄而行雄者多肉失雌則不能獨活漁者拾
之必得其雙車螯唇厚而白背偃而斑紫錦交錯肉
美中食疑即文蛤本草車螯一名蜃大蛤也其殼甚
厚可製器所謂斑蛤是也亦能吐氣成樓臺又毛蛤

曰蠃蝨尖蛤曰齋蛤圓蛤曰蛤蜊大蛤曰蜃小蛤曰
蜃薄蛤曰蚌稜蛤曰蚌蓋其形少殊故其名亦不一
也

蠃帆

埤雅蠃海中羣行輒相積于背上高尺餘如帆乘風而
遊其藏伏沙上亦輒飛躍青黑色十二足似蟹其腸一
直無曲腹中有子如粟而大殼上有物如角常偃高七
八寸每遇風至即舉扇風而行俗呼蠃帆舊云視鷓創

施觀鱈製帆倣魚造櫓效鰓施纜是也

鱈筏

番禺雜記鱈象如牌筏亦名鱈牌

性畏蚊

埤雅皮殼甚堅然性畏蚊蚊小螫之輒斃又暴之日中無恙隙光射之即死寧波志鱈形如覆斗其殼堅硬腰間橫紋一線軟可屈摺每一屈一行口足皆在覆斗之下又鱈腸甚腥醃時去之和以糟醬方可食段氏所謂

鱈醬是也楊誠齋有詩

脂致鼠

嶺表錄異鱈雄小雌大置之水上雄浮雌沈燒其脂可致鼠

命臙酒炙

已下車螯

劉宋廬陵王義真居武帝憂使左右買魚肉珍羞于齋內別立厨帳會長史劉湛入因命臙酒炙車螯湛正色曰公當今不宜有此設義真曰旦甚寒長史事同一家

望不為異酒至湛起曰公既不以禮自處又不以禮處人

常充庖厨

南史何允侈于食味前必方丈後稍欲去其甚者猶食魚脯糟蟹以為非見生物擬食車螯蚶蠓使門生議之鍾岢曰鮪魚就脯驟見屈伸蟹之將糟躁擾彌甚仁人用意深懷此怛至于車螯蚶蠓眉目內闕慚混沌之奇獷殼外絨非金人之慎不悴不榮曾草木之弗若無聲

無臭與瓦礫其何殊故宜常充庖厨永為口實

紫殼玉膚

揚廷秀食車螯詩紫殼旋開微滴酒玉膚莫熟要鳴牙

素脣錦背

梅聖俞車螯詩素脣紫錦背漿味壓海菜

昭畧食蛤

已下蛤蚧

劉宋王融初為司徒法曹詣王僧祐因遇沈昭畧未相識昭畧屢顧盼謂主人曰是何年少融殊不平謂曰僕

日出扶桑入于暘谷照耀天下誰云不知而卿此問何也昭畧曰不知許事且食蛤蜊

魯公放蛤

東軒錄曾魯公好放生一日夢披甲者數百人前訴既寤而問其家乃有惠蛤蜊數菴者即遣人放之夜復夢披甲者來謝

聞雷則瘕

已下蚌

埤雅鼈孚乳以夏蚌孚乳以秋雜俎蚌聞雷聲則瘕其

孕珠若懷妊然故謂之珠胎與月盈胸淮南子所謂日
至而麋鹿角解月死而螺蚌臙者也蚌一名蜃瘕一作
痢

吸月而胎

筆談月虧而蚌蛤消露下而蛟喙解蘇子美曰老蚌吸
月月降胎水犀望星星八角

鷓喙

戰國策趙且伐燕蘇代為燕將說趙惠王曰昨臣過易

水蚌方出曝而鷓啄其肉蚌合而拊其喙鷓曰今日不
兩明日不兩即有死蚌蚌亦謂鷓曰今日不出明日不
出即有死鷓兩爭不捨漁者并擒之按埤雅兩謂闕口
一本作雨非是

鵠化

埤雅物有非其類而化者若牡蠣蚌蛤無陰陽牝牡須
雀鵠以化故蚌之久者能生珠專一于陰也

表有文彩

已下蚶

爾雅釋魚魁陸注云魁狀如海蛤員而厚外有理縱橫
即今之蚶也海物志蚶一名天鬻本草一名魁蛤說文
千歲燕化為海蛤伏翼化為魁蛤一名伏老表有文彩
亦能壓丹石毒今海濱人取其苗養于塗泥中俟其大
貨于市

稜如瓦瓏

嶺表錄異蚶蚌蛤類也瓦殼中有肉紫色盧尚書移鎮
嶺南改為瓦瓏子以其殼上有稜如瓦瓏子故名

螺

附蝸牛寄居牡蠣千人捏石決明馬刀蜆蠃淡菜
天牛金蟲

螺一作蝨一作羸螺種最多有田螺海螺蚌螺甲香
螺鸚鵡螺綠桑螺珠螺梭螺鑽螺刺螺辣螺泥螺白
螺劍螺或生田澤或生海塗或生岩石上埤雅螺之
形銳蚌之形刻皆外剛內柔而性又善麗故也

入蛭

田螺形圓底銳大者如梨橘小者如梅李其性太寒秋
冬多有水蛭入鱉中須去之方可食雜記公輸般見蝨

出頭以足躡之蟲閉其戶終不可開因效之作門戶東方朔曰以蟲測海卽此螺是也

變虫

海螵螺生海塗中有人見其羣變為虫飛去或云此螺能高跳丈許盖遷其處也

張口而至

南康記南康有女採螺為業夜宿亭上有風雨聲見衆螺張口而至亂噉其肉唯有骨在焉因號其地為螺亭

出足而行

世說晉太康永熙中衛瓘家人炊飯墮地盡化為螺出足而行瓘終見誅

負螺 已下蝸牛

爾雅蝸蝻蝻蝻注云即蝸牛孫炎正義以為負螺而行因以名之蓋蝸背負殼狀如小螺驚則縮入殼中如螺閉戶也頭有小角故又名蝸牛崔豹古今注蝸牛陵螺也形如蝸蝻殼如小螺熱則自懸于葉下野人為圓舍

如蝸牛之殼故曰蝸舍觀崔說則蛻蚶與蝸牛異矣先儒以為蛻蚶無殼蝸牛似蛻蚶而有殼

規蝸

埤雅舊說蝸涎規蝸每為蝸牛所食先以涎畫地規之蝸不復去或曰蝸子鼠所化者蜥蜴能食之故蜥蜴名蝸虎蝸虎又為蝸牛所食

循牆

聞見錄陰濕之下蟲多蚶羸每循牆上升掉首腰弓盤

礪委曲搨搨矻矻必求前進未半途則沫既涎窮精潰
力竭畢竟粘壁而死蘇東坡詩腥涎不滿腹聊足以自
濡升高不知休竟作粘壁枯

畫壁

埤雅南方積雨蝸涎書畫屋壁悉成銀迹其卑濕如此
一名蜒蝨杜牧詩蝸涎蠹畫梁歐陽公詩斷牆着雨蝸
成字

蟹寄殼

寄居

草木子寄居一名寄生殼如蝸而一頭小蟹一頭螺蛤
小蟹寄在螺殼間常候螺開出食螺欲合遽入殼中又
有瑣蛞一名海鏡似蚌腹下有小蟹為瑣蛞求食蟹或
不至則瑣蛞即死

蟲充腹 牡蠣

雜俎介蟲惟牡蠣是醜水結成陶隱居曰牡蠣皆以口
向上腹向南視之則口邪向東或曰蠣附物而生磊砢
相連故名蠣房初生海邊如拳石四面漸長巖岩如山

每一房內有一肉肉之大小隨房所生大者如馬蹄小者如人指每潮來諸房皆開有小蟲入則合之以充腹俗傳蝸房左顧為牡右顧為牝

捏之不死

千人捏

雜俎千人捏形如蟹大如錢殼甚固壯夫極力捏之不死故名

鑿亦不脫

石決明

草木子石決明海中大螺也生南海崖石上海人泗水

取之乘其不知用力一撈則得苟知覺雖斧鑿亦不脫矣按此物能治目故曰決明

行沙有迹

馬刀

爾雅蛙虜注云今江東呼蚌長而狹者為虜即馬力也本草一名馬蛤寇宗奭曰馬刀京師謂之撞岸按此物生泥瀆沙溪中行沙有跡人驗取之周禮冬官鼈人掌取互物以時簎魚鼈虜凡狸物注云互物其物交互如今之魚叉簎以叉刺泥藏伏于泥中謂之狸物

候風能飛

蜺

本草蜺冷無毒陳藏器云蜺小于蛤蜊生淡泊沙水中
候大風雨能以殼為翅飛

消渴

蛭

蛭生海塗中穴居似馬刀而殼薄長二三寸大如拇指
外殼內肉其性甚寒能消渴

益陽

淡菜

本草淡菜一名殼菜似馬刀而厚生東海崖上肉如人

牝故又名海牝肉大者生珠肉中有毛肉有紅白二種
性濕能補五臟理腰脚益陽事陳藏器曰淡菜一名東
海夫人

鬚有斑節

天牛

雜俎天牛甲蟲也此蟲一出天必雨埤雅蝸化天牛兩
角狀如水牛長二三寸色黑而背有白點長鬚有斑節
甲下有翅能飛飛不甚遠按蝸木蠹也梅李林禽枇杷
樹極多久則化為天牛天牛復生子為蠹

背負金點 金蟲

金蟲似蜨娘而小甲下有翅能飛背負金點其色燦然

貝 附海鱧筐珂玳瑁

說文貝海介蟲也埤雅貝中肉如科牛而有首尾以背用故謂之貝爾雅貝居陸賦在水者蜺大者鮎小者鱗書大傳大貝如車渠車渠謂車輞即鮎屬鱗今細貝亦有紫色者

宜生獻商

六韜周文王囚于羑里散宜生得大貝如車渠百朋以獻紂乃得免

共人獻周

周成王時共人獻玄貝共人吳越之蠻也玄貝照貝也又相貝經朱仲學仙于琴高而得其法獻珠于漢武帝去不知所之嚴助為會稽太守又出遺助以徑尺之貝并致文于助曰皇帝唐堯夏禹三代之正瑞靈奇之秘寶其有次此者貝盈尺狀如赤電墨雲謂之紫貝素質

紅文謂之珠貝青地綠文謂之綬貝黑文黃畫謂之霞
貝紫愈疾珠明目綬消氣障霞服蛆蟲雖不能延齡增
壽其禦害一也餘詳見埤雅

助梵樂

樂書南蠻國出梵貝吹以助樂音大可容數斗

飾軍容

交州記大貝出日南如酒杯小貝貝齒也潔白如魚齒
故名貝齒畫家用以研紙又可以飾軍容服物

廢貝行錢

陸佃曰古者貨貝而寶龜周有帛布之名至秦廢貝行錢

以貝易物

本草圖經儋耳黎蠻及雲南人取以貨易市物

背多癰瘰

海縑筐

海縑筐石決明之類也但決明堅而此物殼甚脆易碎背多癰瘰如蟾皮蒼黑色中有肉兩頭軟出其肉兩頭

穿小兒取其殼以為戲其形圓而稍扁如縹筐故名海
縹筐

殼甚光明

珂

珂貝類也大如鰻皮黃黑而骨白堪為馬飾按鰻殼如
決明開合于海潮中其殼光明可愛

帶甲辟毒

已下玳瑁

本草廣南海島夷人盧亭獲活玳瑁一枚以獻連帥嗣
薛王王令生取甲小者二片帶于左臂以辟毒或云玳

瑁若生帶之遇飲食并蟲毒其甲即自搖動若死則無此驗矣

鞭殼凝血

本草圖經玳瑁生嶺南山水間今人取以作器皿或云取得此物者以鞭筭其殼使其血凝方有光彩陳士良曰玳瑁身似龜形嘴如鸚鵡草木子物之牝牡一生不再交者虎也鴛鴦也玳瑁也埤雅玳瑁乳卵大如彈丸望卵而孕一如龜鼈名曰護卵

蜣螂

格物論蜣螂蝘蝓也黑甲蟲噉糞一種大者名胡蜣
螂身黑而光腹翼有小黃子附母而飛行晝不出而
夜出至人家庭戶中見燈光則飛來一種小者身黑
而暗晝出而夜不出生長沙池澤中狐遇之必盡食
之醫家以鼻頭扁者為良或又以鼻高目深者為良
即所謂胡蜣螂也

轉丸

莊子曰蝘蛭之智在于轉丸蓋蛭能以上包糞轉成丸也衝波傳蝘蛭無鼻而聞香黑甲翅在甲下五六月間經營穢場之下車走糞丸一前挽之一後推之若僕人轉車久之輒羽化如尸解仙去也

出鏃

本草夏侯鄆初為浪州錄事參軍有人額上有箭痕問之云嘗隨馬侍中征田悅中射侍中將微炒巴豆與蛭娘並研均塗所傷曰斯須痛定必微痒且忍之待極痒

不可忍便撼動箭鏃拔之立出後以生肌膏藥傅之遂愈

山堂肆考卷二百二十五